

永樂大典

卷一千三百十

永樂大典卷之一千三百十 三微

儀

靈寶鐘鼓威儀經

爾時智德真人與諸仙衆同詣太上

稽首請問集衆威儀太上曰衆有二種一者聖衆二者凡衆若說法齋戒度生死一切不聞凡聖皆當來集咸聽擊鐘普天尊於色界天中教化說法時至不齊衆有前後於是放十種相光從口間出徹照諸天五億世界無量國土普使聞知示大神力演真一妙氣合五和之精成無量寶鐘各隨方感同發靈音聲遍天壤響若琳琅皆作洞章晝夜震動應十二時一切衆生聞悉歡喜煩惱皆除時不信者信未悟者悟鐘聲到處普遍十方汝今所請當為開悟智德稽首曰雖聞鐘磬未解儀儀不審上天下山川亦有等差否乎太上告曰三清上境三界十方大小名目亦有不同今但說之汝其聽焉大羅天中有九明華鐘七曜神鐘洞光浮鐘飛精空鐘大光雲鐘闡天光鐘自然神鐘王清天中有鳳凰天鐘華寶雲鐘霄漢靈鐘玉龍華鐘空明寶鐘尤合光鐘

萬變瑞鐘上清天中有十華寶鐘四華鳳鐘電耀明鐘龍耀明鐘鸞翔華鐘太清天中有九精合成鐘百寶空明鐘結雲華鳳鐘天龜龍鐘九天中有自鳴華鐘九色光鐘萬寶花鐘大自然鐘皆結真精妙然而成光明朗然洞徹神化無方十形萬象應變難名或大或小隨運自鳴音聲響亮和雅應神四梵天中有度命神鐘長生靈鐘濟生神鐘消魔神鐘返魂神鐘制魔神鐘降魔神鐘伏魔神鐘揮靈寶鐘集仙瓊鐘歸真和鐘三界天中有保生之鐘昌樂之鐘自鳴之鐘安國之鐘應命之鐘寶齡之鐘延和之鐘長壽之鐘護神之鐘皆以紫鳳翠龍之金照夜明霄之寶承九天之參九泉之火合而成之宛利天中有蓮花之鐘翔雲之鐘宛鳳之鐘父龍之鐘遯齡之鐘消災之鐘度厄之鐘護國之鐘定生之鐘保命之鐘修期之鐘辟兵之鐘消魔之鐘皆以金銀銅鐵瓊瑤寶玉鎔鑄雕刻而成各有百千萬德或六時十二時患有典鐘靈官玉童玉女金精猛獸獅子神兵辟邪神丈金剛神王防守侍衛晝夜考擊開悟羣生於是智德真人受得威儀科戒告下三界十方令得見聞於是添傳馬太上曰非時不得妄擊鐘磬若不整法服清淨祝誦失其節度皆五帝考之死墮寒冰之中百劫受苦謹而慎之平旦六梵應天關萬帝朝雲宮乘香霧朱日誄詠順清風神真

散瑞華靈音通太空。眾聖赴期來。速近聽。鳴鐘日出紫微。發天光。青華生琅音。萬景照雲宮。衆仙發玉峯。派響動長空。餘聲振寶林。慶此天眞樂。散我幽深心。夜披雲霞登天軒。環目矚九清。遐想排雲旛。俯聞空洞鐘。眾動非所觀。妙音良可聽。發彼瓊響解茲幽蔚。情與中玉女。秉靈機。金聲振遐響。間覺萬千人。拔度九幽矣。苦魂披雲出。況魄乘蓮上。神力頗思議。法音被無象。正中太虛包六氣。至道敷一元。梵聲綸地絡。法鼓出天端。境空心自靜。情舉志更詳。察此六時響。釋我百憂煩。日收負童轉空輪。神女撫幽機。晝夜天闢盡循環。星柱稀。鳳鳴十二時。龍翔百六歸。擊以瓊華音暢我天尊。歲時四龍隨天運。五帝推日車。月女神散寶香。雲宮下瑤華。十仙聆法鐘。俱集太上家。五苦長解脫。恒吟空洞歌。日入高抗萬天機。晝夜相循環。太上教聖教普告於世間。應境立真王。分職有司官。仙童擊玉鐘。歲聖朝天闢。黃帝朱景控朝輝。紫輪乘夜月。二耀遞推尋。四序無停歇。玉童唱時至寶鐘。鏗然發稽首。無上尊。攜駕登金闕。入定陽輪下。幽宮陰景照雲房。珠臺錦瑤音。碧殿蘭麝香。妙聲發空洞。微響含幽韻。共美虛中曲。清音風外揚。中外靈童啓星扉。聖母御雲龍。日月相代謝。晝夜更故新。天下萬合香室降十品真。玉音羅太虛。金爐生紫煙。鶴鳴五億諸天境。三千世

永樂大典卷一千三百十

二

界中方方列仙域。處處有神鐘。梵音生法宇。妙韻起靈風。因緣常不絕。功德永無窮。常鳴鐘磬。得盡潔披天衣。端念陟雲臺。時至當鳴鐘。鐘仙聖步虛。來瓊音徹玄都。金杳謁紫微。萬騎雲間邁。九華空外飛。鳳凰翩翩翔獅子。縱橫駿玉女。羅瑤饌仙人。坐誦經。稽首禮十方。虛想在三清。天尊住虛空。恍惚本無形。湛然自靈應。掌能感精誠。西妃撫瓊磬。齊和空洞聲。地獄無罪冤。天堂奉善名。一根琅鐘響。萬眾稽首聽。太上曰。此頌龍漢劫初。諸天帝王誦之者。堯神清暢。宋真降堯鳴鐘祝之。與響齊。聞朗徹。十方萬聖歡樂。九幽寂。男女歌詠。國土安寧。永享福祚。世世無窮。集衆聽。三下鍾冠帶。曉音長。鐘晨夕擊之。各有庠序。詣座旋繞。人天聖凡。皆以之集。當審察焉。勿罪五帝之罰。智德真人及諸仙衆。一時稱善。稽首而退。

靈寶三元威儀經

上元金鑄簡文真仙威儀太上大道

龍嶧山中。與太真王夫人共坐一嵎。華林之下。時有元始天尊忽來。碧霞綠與三素飛霄。神仙羽蓋。三十二天上帝。玉真飛仙玉女。千億萬人。建九色之旛。十絕靈幡。散花燒香。浮空而來。前導鳳輶。復從天釣師子白鵝。唱歌邑邑。五老啟塗。太極參軒。衆真並降於龍嶧山中。是時天朗氣清。日月

永樂大典

卷二三一〇

停輪。星宿洞鐘。璇璫不行。河海靜默。山嶽吞聲。時和氣柔。風不揚塵。天無
浮翳。三景潭津。五苦解脫。辟長夜闇。桔樹生華。死骸還人。麟舞鳳翔。臺鳴
放鈸。諸天踊躍。並奏妙音。一日一夜。山川溪澗。一時和平。七寶流漫。空生
自然。天人豐沃。無有飢寒。道在一國。澤被十方。天尊下教。告太上道君曰。
今出一劫。懼樂難言。是運始開。三皇乘泰。純真總氣。先度靈人。預以今生。
皆是宿慶福德所鍾。男女統朴。不生害心。寧情信向。致得道真。北極推數。
天地一爻一會。九萬九千九百九十五帝。臨治福數之終。玄元然爻。六天
運行。莫度當從。人心破壞。自相毀傷。男女天命。非復本平。三官瘦於謹按。
太陰煩於往還。生死緣對。種種相牽。長夜彌猜幽薨。無親循復。劍樹足躡。
刀山飛血。萬里斯痛。難言君受高皇之運。居太山之任。局長所監。豈不矜
之哉。今日同慶。祈喜無極。哀念來生。得不相告。於是道君下席稽首。上白。
天尊無極。之劫因緣。至今遭遇神真。退降空山。惟惟。惟仰。靡知所陳。昔蒙
教誨。晨夜敢忘。貧處大任。總掌羣方。位高任重。愧所不稱。蓮有推移。時不
常存。禍福相加。天然相傾。人隨運促。鬼因運行。三道上升。六天方興。人鬼
交亂。紛云三官。自來之數。非可如何。夙夜憂懼。形魔無寧。意短才乏。罔知
何方。可得閑度。為諸衆生。解脫凶橫。作善因緣。伏願天尊賜垂來憐。賜所
未見。教所未聞。緣以大慈。冒披素心。屢忤高上。伏用匪懷。天尊答曰。大洞
真經。幽升之道。所管一種。拔度七言。福深一門。寶寶大參。普度天人。福達
一切生死。獲恩皇文。大字通神。致寶三洞。寶經自然。天尊並是度身升玄
之法。修之者駢騎龍駕。日登昇來之者。身度八難。竟諸苦塵。七祖生天。
見之者精心信向。世生善緣。君今方當誠教三岱。搜索真人。宜備天儀。教
導三乘。使有心者得成神仙。今當以寶金錄請。大三元威儀。自然真經。
相授此法。高妙不得輕傳。舊科四萬劫。一出生世。還說保道。須賢人四十年。
有金錄宿名。合真之令。聽德二傳。自無此方。藏之中機。不休年限。而要與
合身形。層裁七祖。受培風刀萬劫。世生賢首。禍福對報。慎之。道君稽
首。既蒙訓授。奉承誠言。於是天尊即命侍經玉郎立左。監度司馬立右。九
天真王。廻九色之節。周天三廻。諸天臨慶。道君左轉。而向長高。天尊左廻。
奉受戒儀。自然真經。天尊授度法事既竟。諸天復傳。於是解塵。道君依格
奉行。寶文至中皇四百年。以授太真王夫人。以下教五帝之君。天尊授經之
時。諸天復傳。東真臨軒。西司五帝。監度盟言。東西二華。南極北斗。二聖真
言。倚立侍衛。太真王夫人執十絕靈幡。立上為太素元君。執召神人之信。

主下方侍經玉郎立左監度司馬立右九天真王執九色之節正於中
 元君迎信三轉萬神齊列真王東向轉節三迴稱善諸天臨慶天尊起讚
 諸天大聖真人玉女一時同禮禮畢俱起左迴捲肴散華三旋周匝饗傳
 一時同伏玉郎告畢司馬東向讀經三遍以授道君付度事畢真王迴節
 諸天帝王大聖真人神仙玉女一時起禮太真夫人迴十絕右轉三迴解
 坐乘真各去靈寶三元宮中有三部威儀上元總真中元總仙下元總神
 部有八十條三部合二百四十條上應二十四真中應二十四神下應二
 十四卷三部八景元始之宗三元宮中各以玉童玉女二十四合侍衛號
 香掌錄滿牒糾罰功過依明真科考四十年聽傳二人三元下教有德自
 然威儀天典備足普告諸天日月星宿五帝五嶽三河四海九江八極三
 界神靈皆使一月三朝其身玉童玉女各二十四合侍衛出入營護一門
 其道尊重慎勿輕傳上元金錄簡文真仙品曰修洞天威儀常清朝向本
 命迴心玄禮三十二天禮畢搖謂以兩手指天鳳翔各九過手摩額接兩
 首儀拭兩目按鼻兩邊上下兩孔事事各七過畢還東向閉眼思青雲之
 素冠匝一身玉童玉女各三千合侍衛左右手執三七色節從羣神萬集
 前導奉鸞後從玄鈞白虎啓路飛龍翼轎羅列分明而叩齒三十二通密

永樂大典卷一千三百十

四

兜曰洞天麗景位鑿玉清威儀齊列術我身形憚命響應威震八冥羣魔
 降伏衆歸萬精神真斤據三界太平天仙翼位地祇侍靈羅轂緣輿升入
 玉庭舉仰嚥三十二過止上元金錄簡文真仙品曰修洞玄威儀正中當
 向善迴心玄禮十方畢使搖身九過兩手據後龍仲九過次以兩手拭面
 裝兩乳房及眉各三七過令百節解還向東閉眼思赤雲之氣冠匝一身
 玉童玉女各二千人侍衛左右手執紫旄之節從萬神千真前吹鳳鳴後
 奏天鈞玄龍啓道五帝參軒天儀輝烈審定分明叩齒二十四過密呪曰
 赤明數真三道熒惑靈書開度洞清八門五帝練仙灌我形魂三八景神
 并心合羣天威翼翼羽服紛紛降致景與乘龍升雲抗足玉階上謁帝君
 墓仰嚥二十四過止上元金錄簡文真仙品曰修洞神威儀常當黃昏時
 向太歲迴心玄禮五方畢便伸兩脚手着尾下解頭扭身九過以次兩手
 摩脐下按兩足蹠心各三七過令上下氣通還向東閉眼思黃雲之氣冠
 匝一身玉童玉女各一十人侍衛左右手執五色之節從千真奉神前喟
 九聲復吹八鸞白乳啓道天極參軒天儀鬱勃羅列左右而叩齒十二道
 密呪曰羽儀洋洋天威翼翼仙童備衛玉女侍側玉大洞神威烈巨力靈
 魔降伏清蕩三昧道行正真非真莫測龍駕自然上升太極畢仰嚥十二

以下缺

元金錄簡文真仙品曰然燈威儀然十燈以照十方於燈下向天門十拜
咒曰天開地閉玄陰不明燄上朱煙為我通冥十方尊神玄監我形魂魄
洞輝自然光精上元金錄簡文真仙品曰然燈威儀然二十八燈以照二
十八宿於燈下向東南二十八拜咒曰明星大煥光流十門玄精下映九
幽不宣我然華燈乘光上闕願得清蓋照我形魂上元金錄簡文真仙品
曰然燈威儀然三十二燈照三十二天於燈下向天門三十二拜咒曰龍
漢蕩蕩三氣乘玄梵行七渺彌羅大千悠悠長寬仰望綿綿今日明燈我
願成仙與我七祖同升諸天上元金錄簡文真仙品曰然燈威儀然五燈
於五方以照五嶽於燈下拜五方各一拜咒曰五嶽靈山安鎮五方五帝
尊神神仙之宗今日然燈上照天王記我命籍度入仙宮七祖解脫同升
太空上元金錄簡文真仙品曰然燈威儀功德至重上照諸天下明諸地
八方九夜並見光明侍燈之官趨為用意每令燈光明徹竟夕不得中滅
半閉半明令人絕世宜慎之馬天尊告太上大道君靈寶上元宮中金錄
簡文真仙品曰自然威儀八十條金格俯仰諸天之玄範得見之者皆億
劫因緣前身宿有金名仙錄數得彼修之者即馳驛龍駕白日登辰奉
之者七祖即得出離長夜上升天堂逍遙無為上元金仙宮中門戶清肅

